

## Чин литии,

### совершаемой мирянином дома и на кладбище

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша (*от Пасхи до дня Святой Троицы вместо «Царю Небесный...» читается тропарь Пасхи: «Христос воскрес из мертвых...»*).

Святый Боже, Святый Крепкий, Святый Безсмертный, помилуй нас (*трижды*).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй (*трижды*).

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Господи, помилуй (*12 раз*).

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

## Псалом 90

Живый в помощи Вышняго, в крове Бога Небеснаго водворится. Речет Господеви: Заступник мой еси, и Прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием обыдет тя истина Его. Не убоишися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоя тысяща, и тма одесную тебе, к тебе же не приближится: обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приближится телеси твоему. Яко ангелом Своим заповесть о тебе, сохранити тя во всех путех твоих. На руках возмут тя, да не когда преткнешися о камень ногу твою. На аспида и василиска наступиши, и попереши льва и змия. Яко на Мя упова, и избавлю и; покрью и, яко позна имя Моё. Воззовет ко Мне, и услышу его; с ним есмь в скорби, изму его, и прославлю его; долготою дний исполню его, и явлю ему спасение Моё.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе, Боже (*трижды*).

## Тропа́ри, глас 4-й:

Со ду́хи пра́ведных сконча́вшихся, ду́шу раба́ Твоего́ (рабы Твоя), Спа́се, упоко́й, сохра́няю ю во блаже́нной жи́зни, яже у Тебе́, Человеколю́бче.

В покóищи Твое́м, Го́споди, иде́же вси святии Твои́ упокоева́ются, упоко́й и ду́шу раба́ Твоего́ (рабы Твоя), я́ко Еди́н еси́ Человеколю́бец.

Сла́ва Отцу́ и Сы́ну и Свято́му Ду́ху.

Ты еси́ Бог, соше́дый во ад, и у́зы окова́нных разреши́мый, Сам и ду́шу раба́ Твоего́ (рабы Твоя) упоко́й.

И ны́не и прісно и во ве́ки веко́в. Ами́нь.

Еди́на Чи́стая и Непоро́чная Де́во, Бо́га без се́мени ро́ждшая, моли́ спастіся ду́ше его́ (ея).

## Седáлен, глас 5-й:

Покóй, Спа́се наш, с пра́ведными раба́ Твоего́ (рабу Твою), и сегó (сею) всели́ во двори́ Твои́, я́коже есть пи́сано, презира́я, я́ко Благ, прегрешéния его́ (ея) во́льная и нево́льная, и вся я́же в ве́дении и не в ве́дении, Человеколю́бче.

## Конда́к, глас 8-й:

Со свята́ми упоко́й, Христе́, ду́шу раба́ Твоего́ (рабы Твоя), иде́же несть боле́знь, ни печа́ль, ни воздыхáние, но жизнь безконéчная.

## Ўкос:

Сам Еди́н еси́ Безсме́ртный, сотвори́вый и созда́вый челове́ка, земнии́ у́бо от земли́ созда́хомся, и в зе́млю ту́южде по́йдем, я́коже повелéл еси́, Созда́вый мя и реки́и ми: я́ко земля́ еси́, и в зе́млю оты́деши, а́може вси челове́цы по́йдем, надгробно́е рыдание творя́ще песнь: аллилу́иа, аллилу́иа, аллилу́иа.

Досто́йно есть я́ко вои́стинну блажи́ти Тя, Богоро́дицу, Приснобла́женную и Пренепоро́чную и Ма́терь Бо́га на́шего. Честне́йшую Херуви́м и сла́внейшую без сравне́ния Серафи́м, без ислéния Бо́га Сло́ва ро́ждшую, сущую Богоро́дицу Тя велича́ем.

Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь.

Го́споди, поми́луй (*трижды*). Благослови́.

Моли́твами свята́х оте́ц на́ших, Го́споди Иису́се Христе́, Бо́же наш, поми́луй нас. Ами́нь.

Во блаже́нном успéнии ве́чный покой пода́ждь, Го́споди, усóпшему рабу́ Твоему́ (усопшей рабе Твоей) (*имя*), и сотвори́ ему́ (ей) ве́чную па́мять.

Ве́чная па́мять (*трижды*).

Душа́ его́ (ея) во благо́их водворітся, и па́мять его́ (ея) в род и род.